



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ამიერკავკასიური ციყვი



ფილიპოვსკი, ვ. ი. ილუსტრაციები

ამიერკავკასიური ციყვი

ამიერკავკასიური ციყვი (*Sciurus anomalus*), ძუძუმწოვარი ცხოველი მღრღნელების (*Rodentia*) რიგისა. სხეულის სიგრძე 25 – 26 სმ აღწევს, კუდისა - 17 სმ. ბუნში მონათალო ან მუქი ნაბლისფერია, მდარე; მუცელი მოთეთრო-მოყვითალო. ყურებზე ფუნჯები არა აქვს, კუდიც ნაკლებფუმფულაა. გავრცელებულია ამიერკავკასიაში, მცირე და წინა აზიაში, ირანში. ბინადრობს წიფლის, მუხისა და შერეულ ტყეებში, თხილისა და კაკლის ბაღებში, ადამიანის დასახლების ადგილებში. იკვებება წინიბოთი, თხილით, ნიგვზით, მცენარეთა ყლორტებით, კვირტებით.

ვერტიკალურად ვრცელდება ზ. დ. 2000 მ-მდე. არ მიგრირებს. საქართველოში ბინადრობს კავკასიონის ქედის სამხრ. კალთებზე, თრიალეთის, გურია-აჭარის, ქართლ-იმერეთის ქედებზე, აჭარაში, აფხაზეთში, ცივკომბორისა და გარდაბნის ტყეებში, ალაზნის ჭალებში. ჩვეულებრივი ციყვის (*Sciurus vulgaris*) აკლიმატიზაციის შედეგად საქართველოში ა. ც-ის არეალი და რაოდენობა მცირდება. სარეწაო მნიშვნელობა არა აქვს.